





大學

大學之道在明明德在新民在止於至善知止而后有定定而后能靜靜而后能安安而后能慮慮而后能得物有本末事有終始知所先後則近道矣古之欲明明德於天下者先治其國

欲治其國者先齊其家欲齊其家者先脩其身欲脩其身者先正其心欲正其心者先誠其意欲誠其意者先致其知致知在格物物格而后知至知至而后意誠意誠而后心正心正而后身脩身脩而后家齊家齊而后

國治國治而后天下平自天子
以至於庶人壹是皆以脩身為
本其本亂而末治者否矣其所
厚者薄而其所薄者厚未之有
也康誥曰克明德太甲曰顧諟
天之明命帝典曰克明峻德皆
自明也湯之盤銘曰苟日新日

日新又曰新康誥曰作新民詩
曰周雖舊邦其命惟新是故君
子無所不用其極詩云邦畿千
里惟民所止詩云緇蠻黃鳥止
于丘隅子曰於止知其所止可
以人而不如鳥乎詩云穆穆文
王於緝熙敬止為人君止於仁

為人臣止於敬為人子止於孝
為人父止於慈與國人交止於
信詩云瞻彼淇澳蒹竹猗猗有
斐君子如切如磋如琢如磨瑟
兮僖兮赫兮喧兮有斐君子終
不可諠兮如切如磋者道學也
如琢如磨者自脩也瑟兮僖兮

者恂慄也赫兮喧兮者威儀也
有斐君子終不可諠兮者道盛
德至善民之不能忘也詩云於
戲前王不忘君子賢其賢而親
其親小人樂其樂而利其利此
以沒世不忘也子曰聽訟吾猶
人也必也使無訟乎無情者不

得盡其辭大畏民志此謂知本
此謂知本此謂知之至也所謂
誠其意者毋自欺也如惡惡臭
如好好色此之謂自謙故君子
必慎其獨也小人閒居為不善
無所不至見君子而后厭然揜
其不善而著其善人之視己如

見其肺肝然則何益矣此謂誠
於中形於外故君子必慎其獨
也曾子曰十目所視十手所指
其嚴乎富潤屋德潤身心廣體
胖故君子必誠其意所謂脩身
在正其心者身有所忿懣則不
得其正有所恐懼則不得其正

有所好樂則不得其正有所憂
患則不得其正心不在焉視而
不見聽而不聞食而不知其味
此謂脩身在正其心所謂齊其
家在脩其身者人之其所親愛
而辟焉之其所賤惡而辟焉之
其所畏敬而辟焉之其所哀矜

而辟焉之其所教惰而辟焉故
好而知其惡惡而知其美者天
下鮮矣故諺有之曰人莫知其
子之惡莫知其苗之頽此謂身
不脩不可以齊其家所謂治國
必先齊其家者其家不可教而
能教人者無之故君子不出家

而成教於國 孝者所以事君也
弟者所以事長也 慈者所以使
衆也 康誥曰如保赤子 心誠求
之 雖不中不遠矣 未有學養子
而后嫁者也 一家仁 一國興 仁
一家讓 一國興 讓 一人貪戾 一
國作亂 其機如此 此謂一言債

事一人 定國 堯舜帥天下以仁
而民從之 桀紂帥天下以暴而
人從之 其所令反其所好而民
不從 是故君子有諸己而后求
諸人 無諸己而后非諸人 所藏
乎身不恕而能喻諸人者 未之
有也 故治國在齊其家 詩云 梹

之天天其葉蓁蓁之子于歸宜
其家人宜其家人而后可以教
國人詩云宜兄宜弟宜兄宜弟
而后可以教國人詩云其儀不
忒正是四國其為父子兄弟之
法而后民法之也此謂治國在
齊其家所謂平天下在治其國

者上老老而民興孝上長長而
民興弟上恤孤而民不倍是以
君子有絜矩之道也所惡於上
毋以使下所惡於下毋以事上
所惡於前毋以先後所惡於後
毋以從前所惡於左毋以交於
右所惡於右毋以交於左此之

謂絜矩之道詩云樂只君子民
之父母民之所好好之民之所
惡惡之此之謂民之父母詩云
節彼南山維石巖巖赫赫尹
民具爾瞻有國者不可以不慎
辟則為天下僇矣詩云殷之未
喪師克配上帝儀監于殷峻命

不易道得衆則得國失衆則失
國是故君子先慎乎德有德此
有人有人此有土有土此有財
有財此有用德者本也財者末
也外本內末爭民施奪是故財
聚則民散財散則民聚是故言
悖而出者亦悖而入償悖而入

者亦悖而出康誥曰惟命不于
常道善則得之不善則失之矣
楚書曰楚國無以為寶惟善以
為寶晏子曰亡人無以為寶仁
親以為寶秦誓曰若有一不臣
斷斷兮無他技其心休休焉其
如有容焉人之有技若己有之

人之為聖其心好之不營若自
其口出寔能容之以能保我于
孫黎民尚亦有利哉人之有技
媚疾以惡之人之為聖而違之
俾不通寔不能容以不能保我
于諸四夷不與同中唯仁人放
流之逆孫黎民亦曰殆哉國此

謂唯仁人為能愛人能惡人見
賢而不能舉舉而不能先命也
見不善而不能退退而不能遠
過也好人之所惡惡人之所好
是謂拂人之性菑必逮夫身是
故君子有大道必忠信以得之
驕泰以失之生財有大道生之

者衆食之者寡為之者疾用之
者舒則財恒足矣仁者以財發
身不仁者以身發財未有上好
仁而下不好義者也未有好義
其事不終者也未有府庫財非
其財者也孟獻子曰畜馬乘不
察於雞豚伐冰之家不畜牛羊

百乘之家不畜聚斂之臣與其
有聚斂之臣寧有盜臣此謂國
不以為利以為義為利也長國
家而務財用者必自小人矣彼
為善之小人使為國家當害並
至雖有善者亦無如之何矣此
謂國不以為利以為義為利也

後學趙孟頫書

宇田川五郎



